

বাচ্ছাগিলদর জনো বাইবেল  
উপশ্খিত

পথম পর্ব



কায় নেথিসে: Edward Hughes  
ব্যখ্যা কৰিচে: Janie Forest; Alastair P.  
উদাহৰন দিয়া বুঝাইসে: Lyn Doerksen  
ভাষা পাৰ্লেট দিসে: রমেস ৰায়  
ছাপাইসে: Bible for Children  
[www.M1914.org](http://www.M1914.org)


BFC  
PO Box 3  
Winnipeg, MB R3C 2G1  
Canada


©2021 Bible for Children, Inc.

অনুমোতি: এ গল্পটোৰ একখন কপি তোৰঠে ৰাখিব পাৰিস বা  
ছাপাকোৱা পাৰিস্, কিন্তু বেচেবাৰ পাৰিস না।



মরিয়ম বেদনাময় চখুত একটা  
মারাত্বক দৃশ্য দেখিল  
যেটেকোনা চিকিরা-বোকরা  
হচে এমন পাহাড় খেসা জাগাত  
খাড়া হইচে। উয়ার  
বেটা মরিয়া গেইচে।  
মাও মরিয়ম  
যেঠেকোনা খাড়া  
দিসে ওঠেকোনা  
যীশুক ক্রুশখুটাত  
টাঙাইচে।





এইলা ঘটনা কেং করিয়া  
ঘটিল? কেং করিয়া যীশু  
নিজের সুন্দর জীবনটা  
এমন করিয়া খতম  
করিবার পারিলেক?  
কেংকরি ঈশ্বর তার  
বেটাক ক্রুশত  
মারিবার  
দিল? যীশু কি  
নিজেক  
বুঝিবার পাই  
নাই যে  
সে আসলে  
কাই?  
ঈশ্বর কি  
নাকাম হযা





না! ঈশ্বর কোনোদিন  
নাকাম হয় নাই। যীশু কোনো  
ভুল কাজ করে নাই। যীশু  
আগতে জানে যে উয়াক  
শয়তান মানষির হাতোতে  
মরিবার নাগিবে। যীশু যেলা  
বাচ্চা ছিলেক সেলায়  
শিমোন নামের এক বুড়া  
মানষি কইচে যে দুঃখের  
দিন টা উয়ার আগোতে  
আছে।




যীশু  
মরিবার  
কিছুদিন আগেতে  
একটা বেঠিছাওয়া  
আসিয়া যীশুর ঠেঙেত  
তেল ঢালি দিচে। উয়ার  
চেলানা বিরুখাতা করিচে  
যে বেঠিছাওয়াটা খালি  
টাকা-পাইসা নষ্ট করিছে।  
যীশু কইচে যে উয়ায়  
ভাল কাজ করিছে আর  
উয়ার কবরের জন্যই করিচে।  
কি আস্চরিত কথা এগিলা।



এই ঘটনার পাছত যীশুর  
১২-চেলাথেকে একজন, জার  
নাম জুডাস্, উয়ায় ৩০-টা  
রুপার টাকার বিনিময়ে যীশুক  
বিরোধাতা করিবার জন্য  
পরধান যাযকের  
কাছে রাজি হইচে।





যীহুদিলার নিস্তার পর্বে, যীশু  
উয়ার চেলালার শাখোত  
জীবনের শেষ খাবার খাইছে।  
যীশু চেলালাক ঈশ্বরের  
বিসয়ত সুন্দর বিষয় গিলা  
কইলেক আর কইলেক যে  
উয়ায় উয়ার  
কথা রাখিল উয়াদের জন্য যারা  
উয়াক

ভাল বাসে। তার পাছত যীশু  
ঝুটি আর কাপে দ্রাক্ষারস নিয়া  
উয়াদের দ্বিল ভাগ করিবার  
আর কইলেক যে, “ঝুটি  
হইলেক

মোর দেহা আর  
কাপোত দ্রাক্ষারস





ইয়ার পাছত যীশু চেলালাক কইলেক যে উমরা বিরোধিতা  
করিবে আর দৌড়িয়া পালাবে। পিতর কইলেক, “মুই  
কোনোদিনও ছাড়ি যাম না”। যীশু সেলা পিতরক কইলেক,  
“কুকুরা ডাকিবার আগেতে তুই মোক তিন বার অগ্রাজ্য  
করিবো”।





এই রাতিতে যীশু  
যেলা গৈতসিমা  
বাগানোত প্রাৰথনা  
জন্য গৈছে তখন  
যাৰা উয়াৰ সথোত  
ছিলেক সগায় নিন  
গৈছে। যীশু  
প্রাৰথনা কৰিছে ...  
“হে মোৰ ঈশ্বৰ এই  
পানপাত্ৰ মোৰ দিয়া  
চলিয়া যাক।  
কিন্তুক মোৰ ইচ্ছা  
নাই, তোমাৰে ইচ্ছা  
মত হক”।



আচমকা যীহুদার সাথোতে অনেক  
লোকজন

ও সিপাহিগিলা যীশুক ধরিবার আসিলেক।  
যীশু কোনো বাধা দিল না। কিন্তুক পিতর  
একটা মানষির কান কাটিয়া দিলেক। যীশু  
চুপ করিয়া মানষিটার কানটা নাড়িলে  
উয়ার কান ঠিক হইলেক।  
যীশু জানির পাইচে যে  
উয়ার উপরা আক্রমন  
ঈশ্বরের ইচ্ছায়।



মানষিলা যীশুক প্রধান যাজকোর আগেতে নিয়া গেইলেক।  
ওঠে, জিহুদি প্রধানগিলা কই যে যীশুক মরিবার নাগিবে।  
ওঠেকোনা পিতর চাকর মানষির আগুনোর পাसे

দাড়িয়া দেখিবার নাগিলেক। মানষিলায় উয়াক

দেখিয়া কইলেক,

উয়ার সাথে

তিন বার

করিলেক, আর

কইয়াছিলেক ঠিক

বুঝি

“তোমরা মানষিখান তো

ছিলেক?”। পিতর উমার

ঠগিলেক আর না

যীশু যেমন

তেমনি হইলেক।

পাইয়া পিতর




কুক-রে-কু...কু...




ঠিক এই সময়, একটা বড্ড  
চিকিরোন শূনা গেইল।  
সেলা পিতরের এমন নাগিল  
যে সেলা ঈশ্বরের  
আওয়াজ। যীশুর কথা মনে  
করিয়া পিতর খুব  
কান্ডিলেক।






যীহুদা খুবেই দুঃখ পাইছে।  
উয়ায় জানে যে যীশু কোনো  
পাপ করে নাই। যীহুদা উয়ার  
৩০ টা রুপার পাইসা ফিরিয়া  
দিসে কিন্তুক প্রধান যাজক  
পাইসা ফিরিয়া নেয় নাই।





যীহুদা উয়ার টাকা  
পাইসা পাকতেরে  
ফেলেয়া দিসে  
আর উয়ায়  
নিজেকে ফাঁসীত  
ঝুলাইছে।





প্রধান যাজকটা যীশুক একেবারে  
রোমের প্রধান বিচারপতি পিলাত ঠে  
নিয়া গেইছে। পিলাত কইলেক, “মুই  
এই মানষিটার কোনো ভুল খুজিয়া  
পাচোঁ:

সাধারন

কইচে

দেও,

দেও”।

না”। কিন্তুক

মানষিলা চিকিরা


“ইয়ায় ক্রুশত

ইয়াক ক্রুশত





শেষমেঘ পিলাত উয়ার শামতির  
আদেশটা দিয়া দিলেক যে উয়াক  
করুশোত দেওয়া যাউক। সিপাহিলা  
যীশুক ঘুসি মারিলেক, থু-থু  
ফেলাইলেক আর তাক ছেপ দিবার  
নাগিলেক। যীশুর মাথাত ডিকিলা  
কাটাগাছের রাজমুকুট বানেয়া নাগেয়া  
দিসে। ইয়ার পাছত করুশ খুটাত  
তারকাটা দিয়া যীশুক করুশেত বান্দিয়া  
মারিয়া ফেলাইলেক।



যীশু আগতে জানে যে উয়াক এই নাখান করেয়া  
মরিবার নাগবে। উয়ায় জানে যে উমারলার  
পাপের ক্ষমা পাবে মোর এই মরিবার  
মধ্যদিয়া যায়-যায় মোক বিশ্বাস



করিবে আর

করিবে।

দুই জন

দিছে।

ডাকাত

স্বর্গে

মোর উপরত নির্ভর

যীশুর সাথোতে আরও

ডাকাতকেও ক্রুশত


উয়ার মধ্যে একটা

যীশুক বিশ্বাস করিয়া

গেইছে তার অন্যটা




দুঃখের কয়েক ঘন্টা পাছত যীশু  
কইলেক,- "এটা শেষ হ'ল"  
আর মরি গেল। উয়ার  
তামান কাজ শেষ  
হইছে। চেলা গিলা  
উয়াক বেসরকারী  
কবরত কবর  
দিলেক।



তারপর রোমান  
সিপাহিলা কবরটাক বন্ধ  
করে দিলেক আর  
পাহরা দিবার নাগিলেক।




গল্প যোদি এইটাত  
শেষ হ্য তাহলে কত  
দুঃখ হবু?  
কিন্তুক ঈশ্বর  
অদ্ভুত  
কাজ করিলেক। যীশু  
মরিয়া  
থাকে নাই।



সপ্তাহের পথম দিনোত খুব  
সকালে যীশুর  
কিছু চেলা দেখিল কবরের  
বড় শিলটা নাড়িয়া গেইছে।  
যেলা উমরা ভিতরোত  
দেখিল-সেলা যীশুর দেহ-টা  
ওঠেকোনা নাই।



কবর গোরতে একটা  
বেঠিছাওয়া বসিয়া কান্দেয়া  
আছিলেক। যীশু উয়ার  
আগোতে আসিল। উয়ায়  
অন্যান্য চেলাগুলাকববার  
জন্য পলাইয়া গেইচে আর  
খুশীতে কইচে, “যীশু বাঁচি  
আছে। মরা থাকি যীশু আরও  
উঠিছে”।



শিঘ্রি যীশু চেলাগিলাক আগোতে  
আসিলেক আর নিজেৰ হাত উয়াদের দেখিবার  
দিল। এইটা সহিত্য বে 'যীশু আবার জিৰিত  
আসিলেক'। উয়ায় পিতরোত ক্ষমা করিলেক আর  
চেলালাক আদেশ দিলেক জে উমেৰা উয়ার  
বেপারে মানষিগিলাক কয়।





## পথম পর্ব

ভগবানোর গল্পগিলা হামরা বাইবেলোত দিখিবার পাই

মথি ২৬-২৮, লুক ২২-২৪, যোহন ১৩-২১

“ভগবানোর কতা জ্যোতী আনে।”

গীতসংহিতা ১১৯:১৩০





এই বাইবেলের গল্পখান হামারলাক কইচে যে হামার আশ্চর্যজনক ঈশ্বর হামাক সৃজন করিচে আর উয়ায় চাই যে হামারলা উয়াক জ্যেনো জানি।

ভগবান জানে যে হামরা সব সমায় খারাপ কাজ করি আর উয়ায় ইয়াক পাপ কইচে। পাপের শাস্তি মরন, কিন্তুক উয়ায় হামারলাই এমন ভালবাসিলেক যে উয়ার একমাত্র বেটাক- (যীশুক) এই দুনিয়াত পেঠেয়া দিচে যেন উয়ায় হামার আর যাই তোর পাপের বাদে ক্রুশত মরিলেক। কিন্তুক যীশু আবার জিবিতি হইলেক আর স্বর্গত, তার আসল বাড়িত চলি গেলেক। যদি তুই যীশুক বিশ্বাস করিস আর পাপের ক্ষমা চাইস তাহলে উয়ায় শেটা তোক দিবে। উয়ায় এলা আসিবে আর তোরঠে থাকিবে আর তুইও উয়ার নগদ চিরকাল থাকির পাবো।

যদি তুই বিশ্বাস করিস এইটা সত্য, তাহলে ঈশ্বরক তুই ক।

প্রিয় যীশু, মুই বিশ্বাস কর যে তুই ভগবান আর মানষি রূপ ধরিয়া মোর পাপের বাদে মরিল আর এলা তুই আরও ফিরিয়া আসিছিত। দয়া করিয়া মোর জীবনোত আসিয়া মোর পাপ ক্ষমা করো যাতে মুই নতুন জিবন পাই, আর এক দিন তোরঠে জাবার পারি চিরকালের জন্য। মক সাহাজ্জ্য কর যাদে মুই তোর বাধ্য হয় আর তোর বেটা হিসাবে বাচিবার পাও। আমেন।

প্রতিদিন বাইবেল পর আর উয়াক সথে কতা কও! যোহন ৩:১৬c

